

上清高上玉晨鳳臺曲素上經

明六

高上玉晨鳳臺曲素上經玄都九曲陵層鳳臺結自然鳳氣以成瓊房處於九天之上玉京之陽虛生八會交真之氣十折九曲洞達八方上招扶搖之翮傍通八素之靈結九元正一之氣以成憂樂之辭明於玄臺之上字方一文蔚煥爛洞明九天飛鳳靈蓋紫氣鬱冥遊驕走獸交錯馳橫六領師子備于下關五帝玉仙執五色命魔靈情以威御五方右侍太華玉女左衛金仙玉童各三千人侍真典香日月依映七元迴靈三晨齋景玄光洞明瓊林振條玉籟激庭七寶華光流曜上清即高上玉晨太上道君所治玄都丈人以鳳文真書憂樂之曲玄授於道君焉如是上天萬真及五嶽飛仙悉以月十五日二十五日一月三登鳳臺宴禮遊香誦詠憂樂之辭也上慶神真下悲兆民其辭虛微玉朗洞清四真稽首萬仙禮音散香逸霄流煙虛庭凡上宮已成真人及始學為仙者莫不備修九天鳳氣玄丘真書誦憂樂之曲也玄古

皆萬劫一傳今有其人七百年中聽得三傳得有其文飛行上清登九曲鳳臺朝謁玉真也輕泄失明七祖充責慎則神仙凡得佩玄丘太真書五帝命魔靈情則策虛君靈制魔使神得五行祕符則呼魄固魂保神長存得誦憂樂之辭超身九玄遊晏玉京得佩曲素鳳悉則見太平奉迎聖君身昇玄都受仙上真也

如是九天鳳文憂樂之曲玄丘太真皆九天自然之氣結而成焉靈文表異於空玄之中經九萬劫玄都丈人受之於太空以傳太上帝道君道君傳太極真人真人以傳東海方諸青童大君使傳道士宿有玉名應為神仙人者佩之二十年傳見三元君迎聖君於上清金闕七百年三傳百年有可授者聽傳二人齋中斃香一斤上金五兩畢歆金青之誓以代血壇之約也

高上玉晨曲素憂樂慈辭
東方青帝

結我自然氣凝化紫鳳城高臺起九嶺陵層

茂飛瓊煥樂重虛上曲折洞八清紫虛曜雲宮流暉翳五靈四達无窮野八氣迴圓明扶搖運太空七景轉天經運來若无根時去隨化傾九圍交度内二象互相征帝一固中元四綱不類靈南採飛皇實北引廣寒庭玄房交真會虛歌自然生五帝命靈幡魔旗微萬精魔從空中嘯道治樂未央故典曲素辭慶神欣太平相與契何許萬劫為一齡迴轉九萬劫同遊紫鳳軒空生紫鳳臺瓊闕參太微靈風洞八會北塘閭闔間上有嘯歌兒恒唱運器衰朝則乘景遊暮則附景歸二景齊一體怕恐失景暉九五不常居天地有傾危大劫終一掃百六乘運迴洪泉湧九嶺大鳥翔天垂萬蠢飄長流顧山不得依號泣无崖際能不傷人懷賢聖勤誦經故得乘景飛至時相奉迎同會九天扉數盡金馬辰萬痛交橫馳不見學仙人但聞喪屍悲嗟此愚夫質持命痛何哀

南方赤帝

散憂九玄臺聚樂階太空攜契十天真嘯命

東海童四達八會氣交運閣臺風目胡西華
館意合廣寒宮娑婆紫鳳下蕭條九嶷峯流
躬无窮野仰觀劫何中清歌官商和憂樂自
相從二起詣一契理背及還同相與樂未央
持始復持終甘飲玉池醴仰歎飛華皇靈爪

自可晏未若日月光七曜流芳暉斯樂豈可
忘大劫有終運運交二象傾龍門斷天河三
五反相征赤鎮據東井華蓋伏晨星玄暉昏
八荒穢氣臂天精三官相操促五嶽不固靈
萬痛交橫馳北帝勇魔兵八網羅天外聖主
不能清是結自然氣陵層九重城高觀慙萬
此憂樂從是生玄歌散神袪蒙歡反涕零哀
此頑夫輩委財貪色榮欣欣待命至不顧禍
自嬰賢智逆方來晨夜勤誦經禮空念玄虛
以度不窮齡若能尋道源八節奏玉名將免

九難災今爾見太平

西方白帝

瓊鳳麟晨颺紫臺曜玉林流光拂重玄差我
凌九陰紫雲散朱霞飛煙手相尋七寶振瓊
條靈獸馳雲峯萬仙乘空詠神風揚妙音上

有高晨師拱靜嘯與吟八會自然容虛降皆
蘭金瓊甯彌劫且玉漿散冲心明珠唱靈歌
法容和清琴玉童至道宗憂樂解人矜釋我
无終齡良娛樂何深自无高仙韻安能同此
飲朝霞東華官夕遊西華堂取樂二華館不

與樂相逢但聞玄歌子悲聲傷天童哀響流
寒庭撫悼世運窮天馬踴九河鳥母乘飛龍
玄津无橋梁二氣隔不通登我陵層臺仰觀
九難中穢氣彌三靈萬兆負災衝八域無遺
民大小山嶽崩念此不知學聞經若癡聾相
與任運生儻歎待命終哀哉何期酷念子傷
我句
北方黑帝

紫鳳乘空發陵層九玄嶠氣結則影見氣散
則神元飄飄有无際天樂適我娛安同八會
唱齊我高仙疇携契十天真晏我九鳳驅上
登玉京闕下戲闌風州羽騎迅瓊輪紫煙空
相扶極朝復待旦借樂无終休流躬任運遷
億椿始一周歡我自然矜散我懷世憂自无
玄靈質誰能同此遊哀哉空洞內興樂復發

憂朝登東蒙嶺夕觀西壘丘不見九靈母此
真道相求遠問大象度二炁忽云周九龍運
東井天馬發西嶠北帝放天兵五嶽玄相符
萬魔已來帶五行早相謀兵灾羅天布萬兆
已被拘上下皆受會蕩除无稽留哀哉五難

中運至无親踈高登八會官結我冥中疇歷
觀至學者福地以相扶棄家尋我道冠得度
爾軀勤心修至經道成當相須道遠觀鳳臺
豈不樂哉遊
中央黃帝
大樂會中元中元衆樂庭上有八會氣婆娑
紫鳳生金條附玉根七寶結華鈴龍超極嶺
峯鳳嘯駭萬里不見雜遊賓但聞風雲聲宮
商自相和音響自相成玄歌唱妙曲慶樂結
成經音我自相求誰知真人靈錦雲縈夜月


紫曜騎飛瓊三晨洞太暉七元煥五星靈幡
有威光流煙錫紫清自謂西華妙未若紫鳳
城上有解矜人一面歡萬齡借樂无終劫因
覺天地傾靈運自有紀數終自由玄去來順
運迴何為憂纏生散憂八荒外大象不主真

逍遙歡樂庭誰與憂為親五難是常會所傷
自有人官商雖不和大歸理自均故與憂樂
曲以度學道身苦行研靈文妙義自當鮮但
佩曲素章剋入无憂津乘空登鳳臺高觀承
唐年此樂將何樂知憂在何間

高上玉晨憂樂之曲空生鳳臺之上靈文明
於五方金音逸朗於十天玉京九曲上其皆
鑄金為簡紫筆書文齊聲合唱玄歌憂樂之
曲也其辭深贖妙趣洞淵自非高上之儔莫
有能究其篇者有金名東華書字鳳闕乃得
見此文爾得佩風氣玄丘真書命魔靈幡誦
憂樂之曲則五帝衛真天魔教護保舉上仙
得奉迎聖君於上清宮遊於鳳臺之室也
凡受此文每以本命太歲八節之日及每月
五日十五日二十五日沐浴清齋入室先東
向誦青華曲畢禮拜朝玉真轉南明大向誦赤帝
曲畢禮拜朝玉真轉西向誦白帝曲畢禮拜
朝玉真轉北向誦黑帝曲畢禮拜朝玉真五
方都畢還北向九拜朝玉晨君仰咽炁九過
止如此皆施五帝幡於室五方也


上清高上玉晨鳳臺曲素上經

五帝命魔靈幡



高上玉晨命魔靈幡主制東方青帝魔靈天
王咸保負其嶽先生王甲體真合仙俯仰遣
東嶽仙官羽輪奉迎甲身上登玉清宮紫鳳
臺如九天信

右白書青繪上




高上玉晨命魔靈幡主制南方赤帝魔靈大
王咸保負其嶽先生王甲體真合仙俯仰遣
南嶽仙官羽輪奉迎甲身上登玉清宮紫鳳
臺如九天信

右黑書綠繪上



高上玉晨命魔靈幡主制西方白帝魔靈大
王咸保負其嶽先生王甲體真合仙俯仰遣
西嶽仙官羽輪奉迎甲身上登玉清宮紫鳳
臺如九天信

右朱書白繪上



高上玉晨命魔靈幡主制北方黑帝魔靈大
王咸保負其嶽先生王甲體真合仙俯仰遣
北嶽仙官羽輪奉迎甲身上登玉清宮紫鳳
臺如九天信

右黃書黑繪上




高上玉晨命魔靈幡主制中央黃帝魔靈大
王咸保負其嶽先生王甲體真合仙俯仰遣
中嶽仙官羽輪奉迎甲身上登玉清宮紫鳳
臺如九天信

右青書黃繪上

右高上五帝命魔靈幡虛生鳳臺之上五帝
至真所主有骨命合仙之人東華即以此文
告五帝魔王保舉即依俯仰之格遣五嶽仙
官千乘萬騎飛行羽輪奉迎上登紫鳳玉臺
也得佩此文則五帝記名天魔敬護十界司
迎九年則得靈降乘羽輪上昇也受之男當
投書高峯女當醮靈度文如此悉十年來降
男則又投書女則又醮玄丘太真書
鳳氣悉同科文
太極左真人曲素訣辭 一名九天鳳
玄丘太真書

太上授太極左真人以傳東海方諸宮青童
大君使傳道士宿有玉名應為神仙真人者
佩之二十年得見三元君迎聖君於上清金
闕七百年三傳百年有可授者聽傳二人齋
三日齋中醮香十斤上金百兩受畢軟金青
誓之以代血壇之約 明九
曲素訣辭



右玄丘太真書隱文召群靈制萬精朱書白
繪佩身白繪四十尺白繪以保血液之券白
絹以代曲素之軟血不靜不齋不感解錄青
縑二七尺青縑以保神仙之券青縑以為七
百年三傳之誓入疾入火入水入山入室帶
錄金縑三雙金縑以保長生大度之券金縑
以為抱心不泄之約道士無此文不得見三
元君香九兩香以保通靈之券醮香以為明

靈之盟又無以召攝六天之鬼者也男受之
北向師南向女受之南向師北向男受之十
年又一齋投書女受之投書及醮當召於師
訣受時有十年一醮錄香果列於一座密室
之中諸太清高仙景雲真人太上丈人官

某甲奉戒如授者師名對錄口傳不用文於
師跪青錄香誓身師名太清高仙景雲真人
啓天大錄太上大人下授五嶽君佩之却禍
除殃辟惡逐邪朝衆精從百禽使鬼物延年
十萬還魂却老安身長存一名三天必生券
九天鳳氣玄丘太真君九炁大人領白素玉
女官十人布在甲身中





九天鳳氣玄丘真書命魔靈幡連書九尺素
繪上授書佩身若絕世上居則書五方色繪
畫命魔靈幡置五方也則制萬靈御天魔致
仙官奉迎太平聖君也玄都大人仙科受佩
齋三日以帛青錄三雙香繪以盟受傳記太
歲年月日誓以奉法不淫不慢不濫不欺不
惡不嫉行仁累德存神命真佩錄者神仙

帶錄後訖此

男受此文初仍於本命之嶽投書告靈而度
文也十年即又投知前三投如前三投都畢
女受即十年亦一醮三醮都竟也陽朔元年
歲在庚寅九月甲申朔一日甲申西嶽真人
王君年四十二歲七月生今後高晨大師東
海青童君奉受曲素鳳文玄丘太真書慶樂
之曲五行上符謹開五帝五真五仙五嶽五

上清高上玉晨鳳臺曲素上經

靈投書自盟已成真人奏名東華定錄天仙
永保元吉如九天之文

右朱書銀板之上五枚安五座置五板師向
北告靈畢以板埋於五嶽也若一嶽之上亦
可各依其方面而埋之施五座師北向叩齒

三十六通祝曰

九玄上靈元始天王五帝玉仙靈嶽大宮真
人玉甲已被三鍊九試氣骨合真謹按上古
九天盟文投書告命埋簡靈山自是之後依
俯仰書曲告下魔王保舉上真飛仙羽蓋奉
迎甲身上登王清紫鳳之宮三告不承依大
真科文隨違列奏明按奉行女受則十年一
醮初一醮度文當於寢室之中施一座向北
燒香甘果五盤置位前駕曲素文威以飛羅
之中置於別案上師北向弟子南向師叩齒
三十六通微祝曰太清高仙景雲真人終天
大錄太上丈人今有男真王甲年如千歲某
月生謹受曲素慶樂之辭五帝命魔靈幡九
天鳳文玄丘太真書五行秘符謹以上吉之
日奉請高晨之氣下映此身願告下五帝五

真五嶽五靈記某甲王名上奏青宮五帝魔
王保舉合真早得神仙飛行上清謁帝晨三
醮之後如九天玄糾太真明文畢如此三過
醮則都止

太上曲素五行秘符 太極左仙公撰

太上告後聖金闕帝君曰元氣分判天地開
張陰陽貫位三五成宮玄置六甲化生五行
金木水火土摠御中元以炁相生混合成真
後學求仙不知道源徒勞存思損疲形神積
滲无感望道泯泯夫欲尋本當歸其根失根
求生萬不得全今故抄集上皇玉文出以相
告子擇賢而傳其法寶秘望不在言可依明
科承而奉焉

太上曰五行秘文與天地同生混化萬真總
御神靈天无五行則三光不明地无五行山
嶽崩傾人无五行身則朽零故五行混合相
須而生若有志心當尋真名既受其法天地
同根呼魂召魄保命後神修之九年刻登上
仙夫受曲素訣辭學上真之道當知五行父
母真君內謹存以招魂召以制魄魂魄長存

三四五

真神總歸官宅備守形身便得反於自然如
此剋日遊晏玉清與死合真矣

凡修此道當以甲乙之日入室燒香東向存
思甲父乙母二真之神父諱青兕著九元碧

寶玄冠翠羽章衣手執青精保命祕符母諱
浩先頭作頽雲之髻著飛青錦裙手執化生

丹霞靈符二人以符玄授我身使叩齒九通
祝曰

真君父母化生二靈三五反真與元合冥外
攝遊魂內固魄精長居官宅无離本形長與


三元同保玉清畢服符又叩齒九通咽液三
過止修此九年洞觀无窮徹視遠文逆知

吉凶



右青精保命祕符書白紙男先服保命符
後服化生丹霞靈符

五元靈符



右化生丹霞靈符朱書白紙女先服丹霞靈
符後服青精保命符

右甲乙二真陰陽祕符青書上符朱書下符
常以甲乙日東向服之并書素佩身行之九


年得使常陽玉女九人乘空駕虛白日登晨
丙丁之日入室燒香南向存思丙父丁母二

真之神父諱樞戶著朱陽通天寶冠絳華之
衣手執朱明保身長存祕符母諱納靈頭作


飛雲之髻衣丹飛帛手執中原黃精祕符來
授我身使三呼二真內諱祝曰

陰陽變化二景生真玉靈及魂拘魄鎮神三
五混合无離我身得保日月三景齊晨畢服

符又叩齒九通咽炁三過止修此八年真靈
降見雲輿來迎



右朱明保身長存祕符朱書白紙男先服後
服中原黃精符也



右中原黃精符黃書白紙女先服後服朱明
保身長存符

右丙丁二真祕符朱書上符黃書下符常以
丙丁之日正中南向服之并素書佩身行之

九年得使赤珪玉女八人乘空駕虛白日登
晨以戊己之日入室燒香向西南存思戊父

己母二真之神父諱長卿著黃華三寶玄冠
衣黃章單衣手執中元度命保魂祕符母諱

來生頭作二角頽雲髻著黃錦飛帛手執金
光自然祕符來授我身使三呼二真內諱


祝曰

中元玄紀攝御四方化生五炁混合帝房拘
魂御魄與形合同長保天地歷劫无窮服符

畢又叩齒九通咽液三過止修此十二年徹見八方身化金光乘虛太空



右中元度命保魂秘符黃書白紙男先服後服金光自然飛符




右金光自然秘符白書白紙女先服後服中元度命保魂秘符

右戊巳二真秘符黃書上符白書下符常以戊巳之日脯時向西南服之書素佩身行之九年得使黃素玉女十二人乘空躡虛飛行上宮

庚辛之日入室燒香西向存思庚父辛母二真之神父諱啟明著九元碧霄玄冠素羽童

上清高上玉晨鳳臺曲素上經

衣手執素靈召神保秘符毋諱德神頭作飛雲之髻衣素飾飛翥手執玄陰生形上化秘符來授我身便三呼二真內諱祝曰
金精玄注結炁九靈流真混金灌晨身形使我魂魄安鎮黃寧飢食三元渴飲玉精乘虛駕浮遊晏紫庭仍服符單又叩齒九通咽炁三過止修此六年得駕景霄晨出入紫房




右素靈召神保命秘符白書白紙上男先服後服玄陰生形上化符




右玄陰生形上化秘符墨書白紙上女先服後服素靈召神保命秘符
右庚辛二真秘符白書上符墨書下符常以


庚辛之日入室西向服之書素佩身行之九年得使素靈玉女六人乘空躡虛飛行上宮壬癸之日入室燒香北向存思壬父癸母二真之神父諱朝靈著女晨之冠皂紉單衣手執通靈長命秘符毋諱法勞頭作額雲髻衣玄錦飛翥手執飛仙騰化秘符來授我身便三呼二真內諱祝曰

上有九元化生陰陽五行各差金剛反強三晨寶曜冠我衣裳五色流黃天關開張上昇玉清出入帝房服符單又叩齒九通咽炁九過止修行五年洞視无崖遙知古由乘虛駕浮上昇霄晨



右通靈長命秘符墨書白紙男先服後服飛仙騰化秘符





右飛仙騰化秘符青書白紙女先服後服通靈長命秘符

右壬癸二真秘符墨書上符青書下符常以衣半壬癸之日北向服之并書素佩身行之九年得使太玄玉女五人乘虛駕空白日昇天

後聖金闕帝君奉受太上施用曲素訣辭五行秘書寶訣即命太極左仙公鑄金為簡紫筆書文秘於九天之上大有之宮玉房之內。太上以西華玉女三百人侍衛靈文愔七寶之華流五色之精金真玄映散香紫庭飛霞翳翳八會俱生光曜瑞宮煥赫玉清陰陽否而不虧履億劫而方解巨絡於衆妙威制於群靈呼魂召魄萬神槐還極微之化五行之妙真其文寶秘不得輕泄傳非其人若有至學欲單佩五行秘符者亦聽別盟而傳傳法師與弟子告齋七日弟子齋五色之繒各五十尺金鈕五雙以誓王帝之宮師告誓度文

奉受之後不得冒濫入穢觸忤道真輕泄天文使人見聞七玄父母長閉地獄已身十苦八難萬不得仙慎而奉行

○ 上清高上玉晨鳳臺曲素上經



正一天師清微弟 洪百堅 製作
道教學術資訊網站



上清外國放品青童內文卷上

明七

高上入國隱元內文

上清太真玉保王上相大司馬命高農師東海玉門青華小童君受高上玉帝外國放品隱元內文其道高妙乃生於九玄之先結飛玄紫炁自然之童靈文表異煥明上清經九萬之劫刻書綠那之國靈鳥之山著東華之岫玄圃之上積石之陰流光洞曜映落太空日月映照五晨翼靈八素交帶四會結煙飛霄翳氣翳鬱虛庭金華之女玉晨之童各三百人侍衛神文天妃揚香靈風散真飛龍走獸備羅玉闕朱鳳撫翮神鸞陰玄西華宴禮萬聖朝軒以中皇元年三月一日甲子天德值合之時上相青童君清齋空山金青盟天受於高上備遊六國履涉名山周歷五嶽出諸河源五帝扶翼降致靈軒十界眾聖宴禮廣庭洞窮寥幽攬窅无形流精煥光以通道太陽激電以吐威七元運霄於紫虛八景馭轡而升飛詠玉音於外國放神品以入微命五老以整位招萬真以總歸九靈齊契三景